

Regio.
Unde dicta.

Burgundiæ Du-
catu.

Situs.

Soli fertilitas,
Imperium majo-
rum.

Vrbes.

Hæc pro Methodi ratione de Lotaringia sint satis; succedit Burgundiæ Ducatus sive Inferior Burgun-
dia. *Burgundia* nomen a *Burgundionibus*; qui Germaniæ Populi, ex Vandalorum orti sanguine, di-
ctique a *Burgis*, i. prædiorum castris ab Almannis (in horum enim Agris violenter in Capellano,
ubi hodie Palatini Comitum Ditione, confederant) exturbati, sub Theodosio Arcadii Filio, Iuniorum, ex-
pulsis late Sequanis Eduisque, hanc Veteris Galliæ partem cum Nuithonibus (quorum Tacitus meminit) oc-
cuparunt. Petrus Sancto-Julianus *Burgundia* Etymon ab Loco quodam diducit, qui vulgo *Burg-ogne* in Agro
Langrensi. Olim *Regnum*, circa annum c10xxxiv, bipartitum in *Ducatum & Comitatum* abiit: quorum ille,
versus Occidentem, *Burgundia Inferior & Regia*; hic, ad Orientem, *Superior & Imperatoria*. De *Ducatu* hac des-
criptione mihi agitur: De *Comitatu* Descriptione proxima dicetur. *Ducatum* cingunt, qua Oriens est, a Rhodano
interfluente, Sabaudia & Burgundiæ Comitatus; qua Meridies, Lugdunense Territorium; ad Occasum leci-
simi Nevernensium Borboniorumque occurrunt agri; ad Septentrionem Campania se offert. Hujus ager
planus & soli fertilitate nulli cedens, hic enim certat cum Cerere Bacchus. *Richardus* Comes Augustodu-
nensis vir strenuus, & in re bellica exercitissimus totius Burgundiæ, cis Ararim Dux institutus fuit a Franco-
rum Rege Odone, qui præfuit Ducatui Burgundiæ annis xxxi. Hic Burgundiam *Rudolfo* Filio reliquit, qui
& in Regem Francorum fuit electus, ac successorem habuit in Ducatu, *Hugonem Nigrum* Fratrem, Huic *Odo*
Frater aut Filius (utriusque enim sententiæ autores reperio) successit. Quem sequutus *Henricus* Frater. Quo
sine liberis defuncto: *Robertus* Francorum Rex, Ducatum Burgundiæ ex testamento, ut ajunt, Henrici adeptus
est. Huic successit Filius *Robertus*, Roberto *Hugo* ex Henrico Filio Nepos. Hunc sequutus est *Otho*, hunc *Hugo*
ii. Hugonem i. *Odo* Filius. Quem ordine sequuti sunt *Odo* iii, *Hugo* iiii. *Robertus* iii. *Hugo* v. *Endo*, *Phi-*
lippus. Quem sine liberis defunctum sequutus est *Joannes* Francorum Rex, cui successit Filius *Philippus* cogno-
mento *Andax* a Patre Ducatu Burgundiæ donatus. Patri *Philippo* successit *Joannes* cognomento Intrepidus,
atque huic *Philippus Bonus* seu *Muris* Filius. Atque huic *Carolus* ob plurima bella quæ gessit, *Bellatoris* cognome-
natus. Post cujus obitum hanc omnem ditionem occupavit *Ludovicus* xi. Metropolis Ducatus *Divio*, *Divionis*
Gregorio Turonensi, Gallis *Dijon*. *Divionis* Conditor habetur vulgo, nobis potius restaurator, Pomætiique
productor, Aurelianus Imperator. Nomen ab *Divis*, quibus plurimus ibi fuit cultus, impositum putatur. Hac
Urbe nihil in Burgundiâ pulcrius. Sita est in planitie amœnissima, duobus Fluminibus *Suzione & Oscara* (*Suzo-*
& *l'Onche* vernacule) utrimque muros adluentibus: Ille quidem periculosissimis Exundationibus Urbem infe-
stare consuevit; hic pisculentus admodum alveo fluit quietiore, Rerum multarum usum subministrare solitus.
Muri ad justam propugnandi magnitudinem in altum sunteducti: Turribus propugnaculisque nuper exstructis
muniti. Iustitiæ ibi est Tribunal & Parlamenti Sedes: unde veluti ex Sinu, patriæ Iura petuntur. Qui in *Majorem*
hujus